

西泉 西泉出圭峰山西澗中從石上瀉下數武復由石竇湧出又伏行石霽間百武乃出與西義河合又北流入滹沱河又西距代州城二十里有羊頭神河合龍祠上池水自北來入之羊頭神者即山海經所稱泰戲之山有獸焉其狀如羊一角一目目在耳後其名曰羴羴是也其水有二源一源茹解都黑龍池名東河一源茹解都黃龍池名西河合而南流會龍祠上池水又南入滹沱河又西有九龍河自北來入之山西通志九龍河在代州西又西南流入滹沱河又西南流入崞縣東南境有龍泉自西北來入之龍泉出崞縣西北三十里龍泉都相傳爲唐魏徵率兵宿此以劍插地而獲是泉有二源北曰上龍泉南曰下龍泉既合而東南流曲折入滹沱河又西南有板橋河自西來入之山西通志板橋河在崞縣北又西南有北橋河自西來入之北橋河在崞縣北城又西南距崞縣城東一里有來宣普濟二河環抱城流而來合又南有南橋河自西來入之南橋河在南郭門又西南有陽武河自西來入之陽武河在崞縣南二十里源出縣西南六十里之太子崖以扶蘇名即殺子谷也其水東流羴羴實產於此山

畿輔通志 卷八十

西通志俗謂之講子見則歲又西南有銅河自東來入之銅豐又東至雙陵村入滹沱河又西南有銅河自東來入之在崞縣南七十里源出縣東南七十里之福壽山其下有溫泉河出山麓西南流入滹沱河又有三泉自西來入之山西通志三泉在崞縣西南五十里東流入滹沱河相傳漢高帝駐師此地槍棚三泉出焉又西南流入忻州漢爲曲陽縣北界之忻口在州北十五里有沙河自西來入之沙河出崞縣南六十里東流逕程侯山北又南逕蝦蟆石在忻口北東岸乃折而東逕高村金山鋪又東入定襄縣界橫北東流有雲中河合南河前山泉諸水以次流入之雲中河寰宇記引水經謂之肆盧水山西通志水自雲內鎮入肆樓城之西一名肆慮川一名肆樓川又名忻水魏太和五年三月幸肆州講武於雲水之陽即此源出忻州西北八十里雙尖山之鬚髻尖東南流逕雲中山下故名山在忻州西北八十里與雙尖山相連接又東逕浮屠山明統志謂雲中山爲雲中水所出未覈